

## Tia minjisia iyi Piεε í kɔ

### *Piεε í ce ηa fɔɔ*

<sup>1</sup> Amui Simɔɔ Piεε amaace woo bei Jesu Kirisi.

Ñ kɔ nηe tiau ihēi, inηe iyi Jesu Kirisi, nηu iyi í jε Ilaaɔ woo faaba nwa, í jò ì dasi naane ηa na dee dee ku jεε. Naane iyi ì dasi ηau í ne beere bei ti awa mɔ.

<sup>2</sup> Didɔ do laakai ku sũ ku kɔɔ nηe si, si na iyi í jò ì mà Ilaaɔ do Jesu Lafēε nwa ηa.

### *Kukpe do kucicai Ilaaɔ*

<sup>3</sup> Yiikoi Ilaaɔ í mu nwa bukaatai mii iyi à bi fei ku ba kuwεε nwa do kutɔɔ nwa ku maa bɔ waju. Nɔ í ce beebai si bei í jò à màa, nηu iyi í kpe wa ka ba ikpē si amboee do si jiida ku jεε. <sup>4</sup> Beebai í ce nwa kuwã nla nla ilu beere ηa. Kuwã ηau aa jò ì ye bei nηu takae í ye nɔ i saa kuce laalɔ sãmi ηa iyi í wa si andunya na bine. <sup>5</sup> Na nηu, i ce kookaai i kɔɔsi isεene jiida si naane ku dasi nηe, nɔ si isεene jiida i kɔɔsi kumà, <sup>6</sup> nɔ si kumà i kɔɔsi gaya, nɔ si gaya i kɔɔsi temua, nɔ si temua i kɔɔsi beerei Ilaaɔ ku mà, <sup>7</sup> nɔ si beerei Ilaaɔ ku mà i kɔɔsi jiida ku cea nje, nɔ si jiida ku cea nje i kɔɔsi kubi. <sup>8</sup> Bii mii ηau be à wa si ηe nɔ wa kɔɔsi, aa jò ì ya maa ce kookaai si ice nηe, nɔ ice nηeu ku ne aranfaani ku ba i mà Lafēε nwa Jesu Kirisi ηa. <sup>9</sup> Amma ine iyi kù ne mii ηau be í yei bei fεeju, walakɔ bei ine iyi ijue kù waa dɔ, nɔ kaa ye ilu ku jĩ. Nɔ í gbεje iyi nηu í má hai si dulum dii takoε.

<sup>10</sup> Na nηu, inηe inem ηa, i kɔɔsi himma ku ba i mà sã sã iyi Ilaaɔi í kpe ηe nɔ í cica ηe, domi bii ì waa ce beebai ηa, i kaa dasi dulum ajɔ kãma ηa. <sup>11</sup> Beebai

aa jò i lə do bæεε ηα si bomma hai tã Lafēε woo faaba nwa Jesu Kirisi.

<sup>12</sup> Na ηοi í ce n kaa n gbεεjiò ku ye ηε gigii mii ηau ihē, baa do iyi ì màa tã ηα, nə ì waa leekí dim dim si ntə iyi ì waa mu nseiυ ihē ηα. <sup>13</sup> Ntə ntə, waati iyi ñ wεε si hunde, ñ nε n ya n maa n ye ηε gigii ku ba i ya maa wə njoo si ηα. <sup>14</sup> Ñ wa n fə bæεbei si na iyi í jò ñ mà iyi kaa kpε má an jò arau ihē, si bei Lafēε nwa Jesu Kirisi í sōm. <sup>15</sup> An ce kookaai n sō ηε yaaseε ku ba i yəkə i ye gigii mii ηau do ajə fei ηα si anyii ikum.

### *Inε ηα iyi à yε amboei Kirisi*

<sup>16</sup> Do ntə, a kù waa too si ará iyi inε ηα à waa kpa do bisi nηα, si waati iyi à jò ì mà gbugbãi Lafēε nwa Jesu Kirisi ηα do kunyiε wa. Amma awa taka nwa mə à yε kulæ do iju nwa <sup>17</sup> nə à gbə imui Ilaađ Baaba waati iyi í fə hai lele í ni, inε ihēi í je ama akām iyi ñ bi jiida, sisi inə didōm fei í ya wa. Waati nηυ Ilaađ, ilu amboe nla nla, í nyisi bæεrei Kirisiu do amboεε. <sup>18</sup> Si anyiε, à nyi à gbə imui Ilaađ wa má hai lele si waati iyi awað ηα à wa si antai geete kumáu.

<sup>19</sup> Bεεβε məi naane nwa í kōsi si ideɪ walii ηau. I jò i de sie ití ηα, domi í yei bei fitila iyi wa má inya si ilu kuku hee iju koo máò nə Jesu, nηυ iyi í yε bei andaiyai daakə, ku má inya si idə nηε. <sup>20</sup> Sinte, i jò i mà iyi ihē ηα, iyi ideɪ walii gə kù wεε si kukəi ideɪ Ilaađ iyi inε gə á tuse ndεε bei í bi \*, <sup>21</sup> domi ideɪ walii gə kù wεε iyi inε gə í ce do idəɔbii nηυ takæ, amma inε ηα à ya sisi ideɪ Ilaađi si bei Hundee í nyisi ηα.

---

\* **1:20** iyi inε gə á tuse ndεε bii í bi Yaasei ideυ be á yəkə ku je má, iyi inε gə í kə do aræ.

## 2

### *Woo kə si cio ilu ibo ŋa (Cɔ Zudu 4-13)*

<sup>1</sup> Walii ilu ibo ŋa à wεε wo si inɔi inε ŋau. Bεεβε mɔi woo kəsi cio ilu ibo ŋa aa faata wa si anini nŋε. Aa naaɔ kəkəsi ibo wa do bisi, iyi á ce inε ŋa nfe, nɔ aa kəsi Lafēε iyi í ya ŋa. Bεεbei aa faa ara nŋa nfe ku ce anu akā. <sup>2</sup> Inε nkpɔi á too daa laalɔ nŋa, nɔ na iri nŋa inε gɔ ŋa aa bu kpāai ntɔ. <sup>3</sup> Na bine nŋa aa je ŋε taki do ide ŋa iyi aŋa taka nŋa à waa lasabu. Amma hai ku kpe woo kiiti nŋa í tã sɔɔlu ku kiiti nŋa. Nŋu mɔi á ce ŋa nfe nɔ kaa kpe mɔm.

<sup>4</sup> Baa amaleka ŋa iyi à ce dulum wo, Ilaaɔ kù jò ŋa, amma í tale si ŋa si isa nla nla. Tengi bei à waa mu ŋa si ilu kuku hee ajɔi kiiti. <sup>5</sup> Ilaaɔ kù nɔ kù jò inei tako ŋau mɔ waati iyi í jò iji nlau í je inei andunya ŋa iyi a kù mà bεεεε, amma Nowee, nŋu iyi í ce waazoi ide ntɔui í faaba do amanε mεεje gɔ ŋa. <sup>6</sup> Si anyiε í nyi í ye taalei inei Sodomu do Gɔmɔɔ ŋa mɔ má, nɔ í kpa ŋa do ina. Iyi beu bei í je sεεda na inε laalɔ ŋa iyi aa na a naa. <sup>7-8</sup> Amma í nya Lotu inε jiida iyi í wa si inɔi inε laalɔ ŋau. Í nyaai si na iyi í jò í ya nε inɔ ku fɔ na daa bututu nŋa, nɔ iju iyi wa má fei laalɔ iyi wa ye do iyi wa gbɔ wa bitandi idɔ dee deε. <sup>9</sup> Bεεβε mɔi Aɔ Lafēε í mà bei á ce ku faaba inε ŋa iyi à mà bεεεε si wahala. Í nɔ í mà bei á mu inε laalɔ ŋa ku wahala ŋa si ajɔi kiiti. <sup>10</sup> Inε ŋa iyi à waa ce kubi nfe nfei ara nŋa nɔ à donda yiikoi Ilaaɔ, wahala nŋa á caa.

Woo kəsi cio ilu ibo ŋau à je ilu wɔɔkɔ yaamɔ ŋa do woo tɔɔ fufu ŋa iyi a kù waa ce nɔi ilu yiikoi lele ŋa ku bu. <sup>11</sup> Baa amaleka ŋau, aŋa iyi à re ŋa do gbugbã do yiiko ntɔ ntɔ, a kù waa ye taalei ilu yiikoi lele ŋau

hee má je a bu ŋa si wajui Aṣ Lafē. <sup>12</sup> Amma ine ŋau à ya maa yaako mii iyi a kù mà. À yei bei ñai sako ŋa iyi a kù ne lasabu kãma, nɔ aa ce nfei bei ñai sako ŋau iyi à bí ku ba a mu ŋa a kpa ŋa. <sup>13</sup> Laalo iyi à cea ine ñai aa sã ŋa. Inɔ didɔ ŋa fei si inaabo ñai í ya wa baa bii dasã nkpai. Baa waati iyi inɛò ŋa ì tɔtɔ ì waa je ijei Lafē ajo ŋa, à ya maa ce daa laalo ñai nɔ a maa ne si inɔ didɔ. À yei bei angudã kuwee ŋa iyi à ne leebu do riisi. <sup>14</sup> Iju ŋa fei si abo kaafe ñai í ya wa, dulum ci ya to ŋa. À ya mu ine ŋa iyi a kù waa leekí dim dim do taa. Idɔ ŋa í ne dɔɔnei bine. Ilaaṣ í ceekpe ŋa. <sup>15</sup> À jò kpãa jüida nɔ à nyɔ. À too kpãai walii Balamu, amai Beɔɔ, ñju iyi í bi ribai laalo ku je. <sup>16</sup> Amma Ilaaṣ í fɔ sie ide na kurarae. Ntoi, gbankele iyi ci ya fɔ ide, Ilaaṣ í jò í baa ide ku fɔ bei amanɛ nɔ í leekí ide hai ne yaasei waliu.

<sup>17</sup> Ine ŋau, à yei bei isɔ hai ne inyi walakɔ bei iji iyi í dū nɔ kaa rɔ si na iyi í jò fufu wa talee. Ilaaṣ í ce ŋa sɔɔlui bi ku wa si ilu kuku nla nla. <sup>18</sup> À waa fɔ ide i fufu ku tɔɔ iyi kù ne iri. À waa fa ine gɔ ŋa do bine ikã ikã mii iyi lafē ŋa à ne si idɔ ŋa ŋa ku ba a mu ŋa do taa. Ine ŋau, do wahalai à ba à gbã wa hai bi ine ŋa iyi à wa si kurarau. <sup>19</sup> Ine ŋa iyi à ba à mu ŋau, à ya ce ŋa kuwã ara ku nei, amma aŋa taka ŋa à je arui daa ŋa iyi wa bɔò ŋa nfe ku ce, domi ine fei í je arui mii iyi í kãmiae. <sup>20</sup> Ntoi, ine ŋa iyi à jò laalo ku cei andunya si na iyi í jò à mà Lafē woo faaba nwa Jesu Kiriŋi, bii à nyi à jò laalo ku ceu í mu ŋa má í kãmia ŋa ise gbeejisia, kuweei tako ŋa á tia do ti ankãanyiu. <sup>21</sup> Á tia ŋa bii í je a kù mà kpãai ntɔ wo do iyi à màa tã nɔ à toa woodai Ilaaṣ iyi à na

ηαυ anyi. <sup>22</sup> Mii iyi í ba ηαυ βε wa nyisi iyi mǎndau ihē í je ntǎ. Mǎndau í ni, aja í nyi í koo wa fa itue má. À ya ni má, kusǎǎ iyi à we í nyi wa bimbili si pǎkǎǎ má.

### 3

#### *Lafēe á nyi wa si bei í ce kuwǎe*

<sup>1</sup> Ine baakǎǎm ηα, tia minjisiām wee iyi n kǎ nηe. Si tia sinteu do minjisiau fei n wa n de n jǐ lasabu jǐida nηe do kukǎsi ηα iyi n wa n ye ηe gigi. <sup>2</sup> N bi i ye gigi ide iyi walii kumá ηαυ à fǎ wo, do woodai Lafēe woo faaba iyi woo βe nηe ηα à sisi nηe. <sup>3</sup> Sinte, n bi i mà ηα iyi si waatii ankǎanyi ine gǎ ηα aa na a maa ne si idǎǎbi nηα. Nǎ aa yaako ηe <sup>4</sup> a maa ni, Kirisi í ce kuwǎ í ni nηu á nyi wa, mà iboi. To, iwoi í wa. Kù waa nyi wa má, domi hai waati iyi bala nwa ηα à ku, mii fei í weei bei hai sintei andunya ku taka. <sup>5</sup> Amma mii akǎi ine ηαυ à gbεje na kance. Mii iyi à gbεje wee. Waati iyi Ilaaǎ í taka lele do ilē, í taka ηai do idei gεεε. Do ide ku fǎei í nyaǎ ilē hai si inǎ inyi nǎ í fεεfεε do inyi. <sup>6</sup> Nǎ si anyiε, do ide kufǎeui í kpaǎ irii andunyai tako si waati iyi í jǎ inyi í je mii fei. <sup>7</sup> Lele do ilē iyi í weε nsei, do ide akǎu bei Ilaaǎ á kpa ηǎǎ, amma bebēi do inai á je. Wa mu ηai titǎ hee koo toǎ ajǎ iyi á kiiti ine ηα iyi a kù mà βεεεε nǎ á ce ηα nfe.

<sup>8</sup> Amma inε baakǎǎm ηα, i maà jǎ i gbεje mii akǎu ihē ηα, iyi ajǎ akǎ í yea Ilaaǎi bei adǎ dubu, nǎ adǎ dubu í yēai bei ajǎ akǎ. <sup>9</sup> Aǎ Lafēe ci ya jǎ idei kuwǎe iyi í jilēu ku kpe ideu ku kǎǎ si bei ine gǎ ηα à waa tamaa. Amma wa temua nηei, domi kù bi baa ine akǎ ku ce nfe. Í bi mǎm ku je ine fei ku kpaasi idǎ.

10 Do nηu fei, ajɔi Lafēε á naai bei ile. Si ajɔ nηui, lele á kpa iri do iba nla nla. Mii iyi í wa be fei, á yɔ si ina nɔ ile do mii iyi í wa si fei á kpa iri. 11 Na nηu, si bei mii ηau fei á ce nfe beεbe, i jò i mà sãa sãa ηa zaka bei í sía isεεne nηe ku maa má nɔ i mà beerei Ilaaɔ ηa. 12 Nɔ i maa degbe ajɔu ηa i maa ce kookaai ku ba ku naa rya rya. Si ajɔ nηui ina á ce nfei lele, nɔ mii iyi í wa si fei ku yɔ do inya gbãa nla nlai inau. 13 Amma Ilaaɔ í ce kuwã nηu ku ce lele do ile fei titɔ bii dee dee ku je á wa. Nηui à waa degbe.

14 Na saabu nηu, iηe baakɔɔm ηa, si bei ì waa degbe ajɔu, i ce kookaai Lafēε ku na ku ba ηe si laakai ku sũ, riisi do kurara ku maà wa si ηe. 15 I doo temuai Lafēε nwa bei kpãai faaba nηe, si bei Pɔlu baakɔɔ nwa í kɔ nηe do bisi iyi Ilaaɔ í muaa. 16 Ideu ihēi í kɔ si tia iyi í kɔ fei tengi bii wa fɔ idei mii ηau ihē. Si tiaε ηau bii gɔ ηa í wεε iyi í gaabu ku gbɔ, nɔ hai mà ηa iyi a kù waa leekɪ si dim dim à ya maa beje yaasei ideui, si bei à ya maa ce do mbɔi kukɔi idei Ilaaɔ gɔ ηa. Beεbei à waa faa ara nηa nfe ku ce.

17 Amma iηe baakɔɔm ηa, ì mà ideu tã ηa. Na nηu, i ce laakai ara nηe ku ba kurarai ine ηa iyi a kù mà beerei Ilaaɔ ku maà jò i yaa hai si kpãa jiida iyi ì waa leekɪ si dim dim ηa. 18 Amma didɔi Lafēε woo faaba nwa Jesu Kirisi ku maa kɔɔsi si ηe, nɔ kumà iyi í ne si gãmεε ηa ku kɔɔsi ku maa koo. Nηui í je ilu amboe hai nsei hee do ajɔ fei. Ami.

## **Akabuu Titõi Idei Ilaa** **Monkole New Testament**

copyright © 2006 SIM International

Language: Monkole (Mokole)

Translation by: SIM International

### **Monkole, Akabuu Titõi Idei Ilaa**

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

596bf1bc-1348-53da-8787-98c1d2a18282